

NALUNAARUTIT – Grønlandsk Lovsamling

Serie C-II

ISUMAQATIGIISSUT

Naalakkersuisunit aamma Tusagassiuinermi Sulisut Peqatigiiffiannit / Dansk Journalistforbund Filmiliornermut TV-millu aallakaatitasiornermut (FTP) ilinniartunut piffissami 1. apriili 2016-mit 31. martsii 2020-mut.

Imaa

§ 1 Isumaqatigiissutip atuuffia	3
§ 2 Ilinniarnermut atatillugu suliffimmiinnermut isumaqatigiissut	3
§ 3 Suliffiup sivisussusia	4
§ 4 Akissarsiat	4
§ 5 Persaqqusersorneqarnermut akiliut	5
§ 6 Qaangiuttoorneq	5
§ 7 Ullormusiat angalanerillu	5
§ 8 Napparsimaneq	6
§ 9 Feeriarneq	6
§ 10 Naartuneq, ernineq qitornavissiarernerlu	7
§ 11 Meeqqap napparsimanerani ullormi siullermi sulinngiffeqarneq	8
§ 12 Ullut isumassuiffiusut	8
§ 13 Meeqqap napparsimavimmut uninneranut atatillugu sulinngiffeqarneq	9

§ 14	Qanigisap perulunnera aamma/imaluunniit toqunera ilisaaneralu	9
§ 15	Sulinermut tunngasunik aaqqiagiinngissutit	10
§ 16	Isumaqatigiissutip atuutilerfia taamaatinneqarneralu	10

§ 1

Isumaqatigiissutip atuuffia

Isumaqatigiissummi uani pineqarput ilinniarnerninut atatillugu suliffimmiittut, piffissami KNR-imi Filmiliornermut TV-millu Aal-lakaatitassiornermut teknikeritut (FTP-tut) ilinniarnerninnut ilaatillugu FTP-tut ilinniarneq pillugu Ilinniartitaanernut minis-teeriaqarfiup Nalunaarutaanut naapertuuttumik Kalaallit Nunaanni imaluunniit Namminersorlutik Oqartussani ilinniarnernut atatillugu suliffimmiinnermut atorfinitsinneqartut.

Imm. 2. Isumaqatigiissut taamaallaat piffissami ilinniarnernut atatillugu suliffimmiinnermut atuuppoq.

§ 2

Ilinniarnernut atatillugu suliffimmiinnermut isumaqatigiissut

Ilinniarnernut atatillugu suliffiup aamma ilinniarnernut atatil-lugu suliffimmiittut ataasiakkaat akornanni FTP-mut ilinniartut ilinniarnerninut atatillugu suliffimmiinnerat pillugu nalunaarum-mut qaqugukkulluunniit atuuttumut naapertuuttoq naapertorlugu ilinniarnerninut atatillugu suliffimmiinnermut isumaqatigiis-suteqassaaq. Ilinniarnernut atatillugu suliffiit ataasiakkaat ilinniarnernut atatillugu suliffimmiittumut ilitersuisussamik nalunaarut naapertorlugu ilinniarnernup naammassineqarnissaanut akisussaasussamik toqqaassapput.

Imm. 2. Qaammatit siulliit pingasut illuatungeriinnit misiliiner-tut isigineqarpoq, soraarniarneq sapaatip akunnera sioqqullugu ilisimasareernikkut pisinnaavoq.

Imm. 3. Ilinniarnernut atatillugu suliffimmiittumut qaammatit si-ulliit pingasut kingorna atorunnaarsitsineq, ilinniarnernut ata-tillugu suliffimmiittumit ilinniarnermullu atatillugu suliffiusu-

mit ullut 14-nit sioqqullugit ilisimasareernikkut pisinnaavoq. Soraarsitsineq pissutaatinneqartunik paasissutissanik imaqassaaq.

Imm. 4. Ilinniarnermut atatillugu suliffimmiinnermut FTP-mut ilinniartunut isumaqatigiisummik atorunnaarsitsisinnaaneq sioqqullugu, tamanna pillugu ilinniarnerminut atatillugu suliffimmiittoq ilitersuunneqassaaq, ilinniarnerminut atatillugu suliffimmiittoq ilinniarnermut atatillugu suliffimmiinnerup ajorsiaartorneranik ilinniarnerminut atatillugu suliffimmiinnermut ilitersuisumit ilitersuunneqassaaq siunnersorneqarlunilu ilisimatinneqassaaq.

§ 3

Suliffiup sivilissusia

Ilinniarnermut atatillugu suliffimmiittunut sulisunut ilinniarsimasunut najoqqutarineqartut taamaqataat malillugit piffissaq suliffiusoq sivilissuseqassaaq, takuuk Naalakkersuisut aamma Tusa-gassiuinermi Sulisut Peqatigiiffiat / Dansk Journalistforbundip isumaqatigiissutaat atuuttumi § 2.

§ 4

Akissarsiat

FTP-mut ilinniartut ilinniarnermut atatillugu suliffimmiittut qaammammut aningaasanik amerlassusilikkanik akissarsisinneqassaput:

Uddannelsesår:	Trin		01.04.2016	01.04.2017	01.04.2018	01.04.2019
1 år	1		10.981,86	11.123,65	11.215,81	11.307,97
2 år	2		12.086,34	12.242,39	12.343,82	12.445,25
3 år	3		12.869,47	13.035,63	13.143,63	13.251,64
4 år	4		14.093,79	14.275,75	14.394,03	14.512,31

§ 5**Persaqqusersorneqarnermut akiliut**

Piffissani persaqqusersorneqarluni sulinermit Naalakkersuisut aamma Tusagassiuinermit Sulisut Peqatigiiffiat / Dansk Journalistforbundip isumaqatigiissutaanni atuuttumi § 14 malillugu ilinniarnermut atatillugu suliffimmiittut taartisiaqartinneqassapput.

§ 6**Qaangiuttoorneq**

Qaangiuttoorneq sapinngisamik pinngitsoorniarneqartassaaq.

Imm. 2. Peqquneqarluni nakkutigineqartumillu atorfeqarfimmi piffissap nalinginnaasumik suliffiup avataatigut sulinerni, nalunaquttap akunneranut aningaasarsiassat isumaqatigiissummi § 4 naapertorlugu ukiumut qaffariartortarfinni aningaasarsiassatut aalajangersarneqartut 50 %-inik tapiliussassat ilanngullugit 1/2080-tut naatsorsorneqartut tunngavigalugit qaangiuttoornersisitsisoqassaaq.

§ 7**Ullormusiat angalanerillu**

Ilinniarnermut atatillugu suliffimmiittut Kalaallit Nunaanni Danmarkimilu, Kalaallit Nunaanni Namminersorlutik Oqartussat imaluunniit kommunit akornanni Kalalaallit Nunaanni tjenestemandit pil-lugit isumaqatigiissummi malittarisassat sukkulluunniit atuuttut maannakkut Pisortat Isumaqatigiinniartartuinik (NAL C-I 4-1-24) isumaqatigiissut 11. marts 1986-imeersoq malillugu atorfimmu- atatillugu angalanernut aningaasartuutiginerusanut taartisiaqartinneqassapput.

Imm. 2. Angerlarsimaffigisap avataani sulineq suliffimmut suliffimmiillu angalaneq piffissatut sulinertut ilanngunneqartarpoq.

Imm. 3. Taamaattorli nal. 22.00-p nal. 08.00-llu akornanni piffissami angalaffiusumi sulisartog siniffissaqartinneqarpat piffissatut suliffittut ilanngunneqassanngilaq.

§ 8

Napparsimaneq

Ilinniarnermut atatillugu suliffimmiittoq pineqartoq ilinniarnermut atatillugu suliffimmiinnermini napparsimaneq pissutigalugu sulinngitsoq akissarsiaqartussaataavoq. Taamatut pisinnaatitaneq ilinniarnermut atatillugu suliffimmiittoq qaammatit pingasut sinnerlugit napparsimappat atorunnaassaaq.

Imm. 2. Napparsimaneq pissutigalugu sulinngitsoorneq nakorsap allagartaliineratigut uppersaqquneqarsinnaavoq.

§ 9

Feeriarneq

Ilinniarnermut atatillugu suliffimmiinnermut tunngatillugu isumaqatigiisummut manna ilanngunneqarpoq feriarneq pillugu Inatsisartut inatsisaat nr. 10, 12. novembari 2001-imeersoq naapertorlugu ilinniarnermut atatillugu suliffimmiittoq ukiumut feeriarsinnaatitaasoq.

Imm. 2. Piffissami ilinniarnermut atatillugu suliffimmiinnerup ingerlanerani ilinniarnermut atatillugu suliffimmiinnermi ullut 30-it suliffimmiiffiusut tamaasa ilinniarnermut atatillugu suliffimmiittoq ullut pingajuat avillugu feeriarsinnaavoq.

Imm. 3. Ilinniarnermut atatillugu suliffimmiinnerup naanerani, imaluunniit ilinniarnermut atatillugu suliffimmiinneq taamaatinneqarpat sulisitsisumik allamik ilinniarnermut atatillugu sulif-

fimmiinnermut nutaamik isumaqatigiissuteqartoqanngippat feeriar-nersiutininik tunniussisoqartanngilaq. Feeriararneq pillugu Inatsisartut inatsisaanni § 16, imm. 1-imi immikkut ittumik feeriar-nersiaqarneq, feeriarnermi 1½% -imik akissarsiaqarsinnaaneq taaneqartoq, ilinniarnermut atatillugu suliffimmiinnerup naanerani tunniunneqassaaq kiisalu ilinniarnermut atatillugu suliffimmiinnermut isumaqatigiissummut nutaamik isumaqatigiissuteqartoqarani atorunnaarsinneqarpat.

Imm. 4. Ukiumut katersiviusumut ilinniarnermut atatillugu suliffimmiittoq arlalinnik sulisitsisoqarsimappat imm. 3 malillugu sulisitsisut tamarmik pissusissaminut naleqquttumik immikkut ittumik feeriarnersiutininik tunniussaqaassapput. Ukiup feeriarfiusup naanerani kingusinnerpaamik qaammatit pingasut ingerlaneranni imm. 3 naapertorlugu feriarnersiutisiassanik piumasaqaat sulisitsisumut nalunaarutigineqassaaq.

§ 10

Naartuneq, ernineq qitornavissiartaarnerlu

Ilinniarnermut atatillugu suliffimmiittup naartunermut, erninermut qitornaavissiartaarnermulluunniit atatillugu piffissammi ilinniarnermut atatillugu suliffimmiinnerup unitsikkallarnissaanut pisinnaatitaavoq, takuuk Naartunermi, erninermi qitornavissiartaarnermilu sulinngiffeqartarneq ullormusiaqartarnerlu pillugit Inatsisartut inatsisaat nr. 14, 7. december 2009-imeersoq.

Imm. 2. Ilinniarnermut atatillugu suliffimmiittoq sulinnginnermini akissarsiaqartinneqassanngilaq.

§ 11

Meeqqap napparsimanerani ullormi siullermi sulinngiffeqarneq

Ilinniarnermut atatillugu suliffimmiittut akissarsiaminnik anaasaqaratik meeqqap nukangasup napparsimanerani ullormi siullermi tamakkiisumik ilaannakortumilluunniit sulinngiffeqarsinnaatitaapput.

Imm. 2. Sulinngiffeqarsinnaatitaanermi piumasagaataapput:

- a) meeqqap napparsimaffia ulloq siulleg,
- b) meeqqap atugai patsisigalugit tamanna pisariaqarpat,
- c) atorfeqarfimmi pissutsit patsisaallutik tamanna ajornangippat kiisalu
- d) meeraq angerlarsimappat.

Imm. 3. Ullut napparsimaffiit nalunaarsorsimaffiat taperneqassaaq ilisimatitsissummik meeqqap napparsimanerani ullormi siullermi peqannginnermik.

Imm. 4. Aaqqissuussineq atornerlunneqartillugu atorfilinnut ataa-siakkaanut atortussaajunnaarsinneqarsinnaavoq.

§ 12

Ullut isumassuiffiusut

Meeqqap napparsimasup imaluunniit qanigisaasup napparsimasut paarinissaanut ilinniarnermut atatillugu suliffimmiittoq ullut tallimat angullugit akissarsiaqarani sulinngiffeqarsinnaatitaavoq.

Imm. 2. Ilaquttanut qanigisanut imatut paasineqassaaq angajoqqaat, aappat taamatullu naligisat, qatanngutillu, kisianni aapparisaq ilaqtutai tamatullu ilaqtutat naligisai pinnagit.

Imm. 3. Sulinngiffeqarsinnaatitaanermi piumasagaataapput,

a) meeqqamut imaluunniit qanigisaasumut pisariaqartitsineq eqqarsaatigalugu, aamma

b) atorfeqarfimmi pissutsit tamanna ajornartinngippassuk.

Imm. 4. Ullut isumassuiffiusut ingerlanneqarnissaat pillugit ullormi isumassuiffiusumi siullermi kingusinnerpaamik ullaakkut sulisitsisumut nalunaarutigineqassaaq.

Imm. 5. Aaqqissuussineq atornerlunneqartillugu atorfilinnut ataa-siakkaanut atortussaajunnaarsinneqarsinnaavoq.

§ 13

Meeqqap napparsimmavimmut uninneranut atatillugu sulinngiffeqarneq

Meeqqap 0-imiit 12-inut ukiullip illoqarfigisap avataani napparsimmavimmut unitsinneqarneranut atatillugu Peqqinnissaqarfiup akiligaanik ingiaqataalluni angalanermut ullut 12-it angullugit akissarsiaqarluni ilinniarnermut atatillugu suliffimmiittoq sulinngiffeqartinneqassaaq.

Imm. 2. Meeqqap napparsimmavimmut uninnera angajoqqaallu qaniuinissaat uppersararneqassaaq.

§ 14

Qanigisap perulunnera aamma/imaluunniit toqunera ilisaaneralu

Qanigisamik nappaammik peruluttoqartillugu aamma / imaluunniit toqusoqartillugu ilisisoqarniartillugulu ilinniarnermut atatillugu suliffimmiittoq Namminersorlutik Oqartussani kommuninilu Kalaallit Nunaanni tjenestemandinut malittarisassat sukkulluunniit atuuttut naapertorlugit siumut utimullu akiliutsilluni angalasinnaavoq sulinngiffeqarsinnaatitaallunilu.

§ 15

Sulinermit tunngasunik aaqqiagiinngissutit

Ilinniarnermut atatillugu suliffimmiittut ilinniarnerisa nalaani sulinermit aaqqiagiinnginnernut peqataassanngillat.

§ 16

Isumaqatigiissutip atuutilerfia taamaatinneqarneralu

Isumaqatigiissut 1. april 2016-imit atuutilerpoq. Isumaqatigiissut illuatungeriinnit qaammatinik pingasunik siumut ilimasaaruteqarnikkut 31. martsimut taamaattorli siusinnerpaamik 31. martsit 2020-imut atorunnaarsinneqarsinnaavoq.

Nuuk, ulloq

Tusagassiuinermi Sulisut
Peqatigiiffiat / Dansk Journalistforbund

Naalakkersuisut
e.b.

Lars Werge

Michael Würtz

Matumuuna Naalakkersuisut aamma Dansk Journalistforbund / Tusagassiuinermi Sulisut Peqatigiiffiata ulloq 5. februaari 2014-imeersoq isumaqatigiissutaat atorunnaarpoq.